

Տեսչական մարմնի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ առարկություններ չեն ներկայացվել:

VIII.ՏԵՍՉԱԿԱՆ ՄԱՐՄՆԻ ԱՇԽԱՏԱԿԻՑՆԵՐԻ ԳՈՐԾՈՒՂՈՒՄԸ

Կանոնադրություն 28-րդ կետի համաձայն Տեսչական մարմինն ունի 12 տարածքային ստորաբաժանում՝

- Հյուսիս-արևելյան տարածքային կենտրոն – Տավուշի, Գեղարքունիքի մարզեր /26 հաստիք/
- Հարավային տարածքային կենտրոն – Արմավիր, Արարատի մարզեր /26 հաստիք/
- Հյուսիսային տարածքային կենտրոն – Շիրակի, Արագածոտնի, Լոռու մարզեր /46 հաստիք/
- Արևելյան տարածքային կենտրոն – Վայոց Ձորի, Սյունիքի մարզեր /20 հաստիք/
- Մեղրիի սահմանային բժշկասանիտարական հսկիչ կետ /9 հաստիք/
- Բավրայի սահմանային բժշկասանիտարական հսկիչ կետ /10 հաստիք/
- «Շիրակ» օդանավակայանի սահմանային բժշկասանիտարական հսկիչ կետ / 5 /հաստիք
- Բագրատաշենի սահմանային բժշկասանիտարական հսկիչ կետ /9 հաստիք/
- Այրում-Ջիլիզայի սահմանային բժշկասանիտարական հսկիչ կետ /5 հաստիք/
- Գոգավան-Պրիվոլնոյեի սահմանային բժշկասանիտարական հսկիչ կետ /9 հաստիք/
- Երևան քաղաքի տարածքային կենտրոն – ք. Երևան, Կոտայքի մարզ / 41 հաստիք/
- «Զվարթնոց» միջազգային օդանավակայանի սահմանային բժշկասանիտարական հսկիչ կետ /9 հաստիք/

Կառուցվածքային ստորաբաժանումները մինչ օրս չունեն կանոնադրություններ

Կառուցվածքային ստորաբաժանումների իրավասությունները սահմանում է Տեսչական մարմնի ղեկավարը՝ հաստատելով դրանց կանոնադրությունները: Կառուցվածքային ստորաբաժանումները մինչ օրս չունեն կանոնադրություններ:

Տեսչական մարմնի 2018թ.-ի 214-Ա, 223-Ա, 228-Ա հրամաններով Տեսչական մարմնի կենտրոնական ապարատի չորս աշխատակիցներ գործուղվել են Գեղարքունիքի, Տավուշի, Սյունիքի, Շիրակի և Վայոց Ձորի մարզեր խորհրդատվության և իրազեկման գործառույթներ իրականացնելու նպատակով՝ ստանալով գործուղման ծախս, տրասպորտային միջոց և վառելիք, մինչդեռ այդ գործառույթները առավել նպատակահարմար կլինեին իրականացնել համապատասխան տարածքային ստորաբաժանումների կողմից:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնի կողմից թույլ է տրվել անհամապատասխանություն Կանոնադրության 29-րդ կետի պահանջների հետ, այն է՝ կառուցվածքային ստորաբաժանումների իրավասությունները սահմանում է Տեսչական մարմնի ղեկավարը՝ հաստատելով դրանց կանոնադրությունները:
2. Կառուցվածքային ստորաբաժանումները մինչ օրս չունեն կանոնադրություն:
3. ՀՀ մարզերում խորհրդատվության և իրազեկման գործառույթներն իրականացվել են ոչ թե Տեսչության համապատասխան տարածքային ստորաբաժանումների, այլ և Երևանից գործուղված աշխատակիցների կողմից :

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Սահմանել Տեսչական մարմնի կառուցվածքային ստորաբաժանումների իրավասությունները՝ հաստատելով դրանց կանոնադրությունները:
2. ՀՀ մարզերում խորհրդատվության և իրազեկման գործառույթները իրականացնել Տեսչության համապատասխան տարածքային ստորաբաժանումների աշխատակիցների կողմից՝ անարդյունավետ ծախսերից՝ գործուղման ծախս, տրասպորտային միջոց, վառելիք և այլն, խուսափելու համար:

Հաշվեքննության օբյեկտների ղեկավարների պաշտասխան

Տեսչական մարմնին՝

Տեսչական մարմնի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ առարկություններ չեն ներկայացվել:

IX.ՏԵՍՉԱԿԱՆ ՄԱՐՄՆԻ ԿՈՂՄԻՑ ԻՐԱԿԱՆԱՅՎԱԾ «ՈՒՍՈՒՄՆԱՍԻՐՈՒԹՅՈՒՆ»

ԳՈՐԾԱՌՈՒՅԹԸ

«ՀՀ-ում ստուգումների կազմակերպման և անցկացման մասին» ՀՀ օրենքի 1-ին հոդվածի 3-րդ մասի դրույթների համաձայն ուսումնասիրությունը տնտեսավարող սուբյեկտի ներկայացրած հաշվետվությունների հիման վրա, ստուգում իրականացնող մարմնում այդ

Տեսչական մարմնի կողմից

իրականացվել է

«ուսումնասիրություն»

գործառույթ, ինչի

լիազորությունը

կանոնադրությամբ Տեսչական

մարմինը չունի

մարմնին հսկողության լիազորություններ վերապահող իրավական ակտերի պահանջների կատարման ճշտությունը պարզելու նպատակով իրականացվող ներքին ընթացակարգ է: Հետևաբար, ակնհայտ է

դառնում, որ ուսումնասիրությունը մի գործընթաց է, որ իրականացվում է զուտ ստուգման շրջանակներում: «ՀՀ-ում ստուգումների կազմակերպման և անցկացման մասին» ՀՀ օրենքի 3-րդ հոդվածի 1-ին մասին 1.1 կետի և «Տեսչական մարմինների մասին» ՀՀ օրենքի 7-րդ հոդվածի 7-րդ մասին 1-ին կետի համաձայն ստուգումները կարելի է իրականացնել միայն հաստատված ստուգման ծրագրերի, ստուգաթերթերի հիման վրա և դրանից դուրս ցանկացած ուսումնասիրություն կամ ստուգում հանդիսանում է օրենքի խախտում:

Տեսչական մարմնի կողմից իրականացվել է «ուսումնասիրություն» գործառույթ, ինչի լիազորությունը կանոնադրությամբ Տեսչական մարմինը չունի: Օրինակ՝ Տեսչական մարմնի ղեկավարի 08.02.2018թ.-ի 20-Ա հրամանով ստեղծվել է աշխատանքային խումբ բժշկական սպասարկման և բնակչության սանիտարահամաճարակային անվտանգության ապահովման ոլորտներում ՀՀ օրենքների և դրանց համապատասխան ընդունված իրավական ակտերով սահմանված պահանջների հնարավոր խախտումները կանխելու և հանրային շահերի պաշտպանությունն ապահովելու նպատակով «Մասիսի բժշկական կենտրոն» ՓԲԸ-ում ուսումնասիրություն իրականացնելու նպատակով:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմինը կանոնադրությամբ ուսումնասիրություն կատարելու իրավասություն չունի, սակայն կատարել է:
2. Տեսչական մարմնի կողմից կատարվել է ստուգման գործառույթի մաս հանդիսացող ուսումնասիրություն ստուգման ծրագրի և ստուգաթերթերի բացակայության պայմաններում, ինչը չի համապատասխանում «ՀՀ-ում ստուգումների կազմակերպման և անցկացման մասին» ՀՀ օրենքի 3-րդ հոդվածի 1-ին մասին 1.1 կետի և «Տեսչական մարմինների մասին» ՀՀ օրենքների 7-րդ հոդվածի 7-րդ մասին 1-ին կետի դրույթների պահանջներին:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Տեսչական մարմինը պետք է ուսումնասիրություններ կատարի միայն «ՀՀ-ում ստուգումների կազմակերպման և անցկացման մասին» և «Տեսչական մարմինների մասին» ՀՀ օրենքների շրջանակներում և զերծ մնա ուսումնասիրությունների անվան տակ փաստացի ստուգումներ կատարելուց:

Հաշվեքննության օբյեկտների ղեկավարների պաշտասխան

Տեսչական մարմին՝